

Թագաւորն եւ ձախմէ զչխոյն Հեղինէ որ-  
 375 զովքն: Եւ ասին թէ աստ եղև ժողովն. եւ  
 այս էր սեղանատեղն Յոհանու Ոսկիբերա-  
 նին. իսկ այժմ աթոռ է եւ պատրիարզարան  
 Հայոց:

## ԱՎՐԱԹ ՊԱԶԱՐ

Եւ ի գնալն հանդիպեցաք յԱվրաթ պա-  
 380 զարն: Տեսաք անդ տիբմատաչ մի յոյժ  
 բարձր. զի գլուխն հազիւ երեւէր, զոր զա-  
 նազան պատկերք եւ ձիք եւ բանք կոփած  
 էին ի նմա, հիանալի տեսողաց: Կային եւ  
 այլ տիբմատաչք, բայց սորա նման բարձր  
 385 չէին:

## ԹԱՎՈՒՆ ԽԱՆ

Եւ անտի յոլով գնացեալ եկաք ի Թա-  
 վուխ խանն. եւ անդ եւս կայր սիւն մի այլ  
 մէքմէքէ, բայց չէր նման Ավրաթ պագարին.  
 եւ էր պատեալ շուրջանակի յոլով տեղիս  
 390 պողովատով՝ վասն ամբութեան: Եւ ասին թէ  
 ի ներքոյ այսմ սեանս է եօթն զամպեղն որ  
 Քրիստոսի օրհնութենէն յաւելաւ հացիւ եւ  
 ձկամբ: Կային աստ եւ անդ բազում եւ ան-  
 թիւ եկեղեցիք մեծամեծք, վիմաչէն եւ մար-  
 395 մարիոնեայ, եւ մատուռք. յորս կային  
 նչխարք եւ ոսկերք սրբոց. եւ որք զեղեց-  
 կազոյնք եւ ի բարձր տեղով էին, զայն ա-  
 նօրէնք խլեալ եւ յափշտակեալ էին. եւ զիւ-